



Siverth K. Heilmann

UPA 2024/96-1

Atassut

30. April 2024

Inatsisartut aalajangiiffigisassaattut siunnersuut, Naalakkersuisut peqquneqassasut nalunaarusioqqullugit, utoqqaat immikkut nappaataat tarnikkullu nappaatigisinnaasaannut akimut suleqatigiinnik pilersitsinerup pitsaaqutaanik ajoqutaanillu nalunaarusiornissamik. Nalunaarusiattaq qulaajassavaa aningaasatigut allaffissornikkullu pisortanut kingunissai suliassaqarfiit akimorlugit utoqqarnut immikkut ittumik nappaatinut tarnikkullu nappaatilinnut suleqatigeeqalernissamut. Nalunaarusiaq UPA 2025 nallertinnagu Inatsisartunut agguanneqareersimassaaq.

(Inatsisartunut ilaasortaq Anna Wangeheim, Demokraatit)

Siullermik siunnersuuteqartumut qujanarujussuaq, imatullu naatsumik Atassummiit oqaaseqarfigissavarput.

Qulaani aalajangiiffigisassatut siunnersuummut qulequtarineqartoq aammalu tunngavilersuutaasoq ilisarnaannarani ersarilluinnarpoq. Pingaartumik peqqinnissaqarfinniik, utoqqaat immikkut nappaataannik tarnikkullu allatigullu nappaatigineqartartunut ilisimasaqarluarneri qularutissaanngilaq.

Ilisimavarpummi illoqarfinni nunaqarfinnilu assigiinngtsuniik, utoqqaannaanngitsut aammali inuusussigaluttuinnartut soorlu aanaartoorsimasut puigortunngorsimasut il il utoqqaat illuini inissinneqartartut amerliartuinnartut.

Taamaattumik annerusumik siunnersuut oqaaseqarfiginngikkaluarlugu, tunngaviatigut Atassummiit tapersiinerput nalunaarutigalugu, suliap aappassaaneerneqartigani peqqinnissamut ataatsimiititalia-
mut ingerlateqqaarneqarnissaa akuersaarparput.

Qujanaq.